

Забидий / ВАҲИЙНИНГ БОШЛАНИШИ КИТОБИ / 885-ҳадис

885/1869 - عَنْ أَبِي هُرَيْرَةَ رَضِيَ اللَّهُ عَنْهُ، أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ: «حُرِّمَ مَا بَيْنَ لَابَتَيْ الْمَدِينَةِ عَلَى لِسَانِي». قَالَ: وَأَتَى النَّبِيَّ صَلَّى اللَّهُ عَلَيْهِ وَسَلَّمَ بَنِي حَارِثَةَ، فَقَالَ: «أَرَأَيْكُمْ يَا بَنِي حَارِثَةَ قَدْ حَرَجْتُمْ مِنَ الْحَرَمِ!» ثُمَّ التَفَّتَ فَقَالَ: «بَلْ أَنْتُمْ فِيهِ».

885.1869. Абу Ҳурайра розияллоху анхудан ривоят қилинади:

«Набий соллаллоху алайҳи васаллам: **«Мадинанинг икки тошлоғи* оралиғи менинг тилим (сўзим) билан ҳарам қилинди»**,* дедилар.

Набий соллаллоху алайҳи васаллам Бану Ҳориса қабиласига келиб: **«Эй Бану Ҳориса, сизларнинг ҳарамдан чиқиб қолганингизни кўряпман»**, дедилар. Кейин у ён-бу ёнга қараб: **«Йўқ, ичида экансиз»**, дедилар».

* «Тошлоқ» деб таржима қилинган сўз ҳарра деб аталадиган, қотиб қолган лавадан ҳосил бўлган, Мадинани шарқий ва ғарбий томондан ўраб турган қора тошлоқни англатади.

* «Менинг тилим билан» дегани «менинг воситамда» деганидир. Маккадаги Ҳарам Иброҳим алайҳиссалом воситасида ҳарам қилингани каби, Мадина ҳам Набий алайҳиссалом воситаларида ҳарам қилинган. Бундан «шахсан мен ҳарам қилдим» деган маъно келиб чиқмайди, чунки пайғамбарлар фақат ваҳий асосида сўзлайдилар.

Манба: hadis.islom.uz



HADIS.ISLOM.UZ
NUBUVAT MARVARIDLARI

